

## Gioveddu Ascurta

Oh Gioveddu ascurta unu cunsillu  
chi donat unu babbu a unu fillu,  
sa picioa chi portas in su coru  
tenidda cara comenti a tesoru.

Est bagadia de bellesas finas,  
bella de cara e bella in fainas,  
bellu sentz' 'e misura su surrisu,  
de dda lassai no ti bengat in bisu.  
Podeis tzerriai, podeis fintzas certai,  
però de dda lassai no ti bengat in bisu.

No as fatu domu manna o domu arrica,  
e fessit puru solu un'apostentiu  
ma fatu cun amori e sentimentu,  
nisciunu podit nai chi siat pitica.

Issa no at a portai apica manna,  
perou po domu nd'at finzas in prus,  
oru, pannus, prata po dònna usu,  
pallinis e cofinus a impanna  
Podeis tzerriai, podeis fintzas certai,  
perou de dda lassai no ti bengat in bisu.

Arregorda ca poi cussu surrisu  
dònna borta chi ndi as a teni abbisòngiu,  
beranu, ierru, istadi opuru atòngiu  
t'at a fai intendi sempri in paradisu.

E candu at arribai beneditu  
cussu fillu chi tanti disigiatis  
festa manna abisòngiat chi fetzais  
e su tzugu apicaiddi unu scritu.  
E mancai fadiu, crocadiddu a costau,  
e si t'essit infustu, non ddi tengas disgustu

Cantaddi s'anninnia de Antoni Isteni,  
chi su pipiu s'intendat siguru  
e no tengat paura de s'oscuro,  
antzi, s'intendat rei de dònna beni.